

## Pandangguhan

Eva Eugenio

Manunugtog ay nangagpasimula  
At nangagsayawan ang mga mutya  
Sa mga padyak parang magigiba  
Ang bawat tapakan ng mga bakya  
Kung pagmamasdan ay nakatutuwa  
Ang hinhin nila'y hindi nawawala  
Tunay na hinahangaan ng madla  
Ang sayaw nitong ating Inang Bansa

Dahil sa ikaw, mutyang Paraluman  
Walang kasing ganda sa Dagat Silangan  
Mahal na hiyas ang puso mo, hirang  
Ang pag-ibig mo'y kay hirap kamtan  
Kung hindi taos ay mabibigo  
Sa mga pagsuyong iaalay  
Kung hindi taos ay mabibigo  
Sa mga pagsuyong iaalay

Halina, aking mahal  
Ligaya ko ay ikaw  
Kapag 'di ka natatanaw  
Ang buhay ko ay anong panglaw  
Halina, aking mahal  
Ligaya ko ay ikaw  
Kapag 'di ka natatanaw  
Ang buhay ko ay anong panglaw

Kung may pista sa aming bayan  
Ang lahat ay nagdiriwang  
May lechon bawat tahanan  
May gayak pati simbahan  
Paglabas ni Santa Mariang mahal  
Kami ay taos na nagdarasal  
Prusisyon dito ay nagdaraan  
Kung kaya't ang iba'y nag-aabang  
May tumutugtog at may sumasayaw  
Mayro'ng sa galak ay napapasigaw  
Ang pista sa bayan namin ay ganyan  
Ang saya'y tila walang katapusan

Manunugtog ay nangagpasimula  
At nangagsayawan ang mga mutya  
Sa mga padyak parang magigiba  
Ang bawat tapakan ng mga bakya  
Kung pagmamasdan ay nakatutuwa  
Ang hinhin nila'y hindi nawawala  
Tunay na hinahangaan ng madla  
Ang sayaw nitong ating inang bansa